

"Қазақстан Республикасының Үкіметі мен Ресей Федерациясының Үкіметі арасындағы Өзара қаржылық мәселелерді реттеу және әскери білім беру мен сынақ полигондарын пайдалану саласындағы есеп айырысу шарттары туралы келісімді ратификациялау туралы" Қазақстан Республикасы Заңының жобасы туралы

Қазақстан Республикасы Үкіметінің 2012 жылғы 24 сәуірдегі № 508 Қаулысы

Қазақстан Республикасының Үкіметі **ҚАУЛЫ ЕТЕДІ:**

«Қазақстан Республикасының Үкіметі мен Ресей Федерациясының Үкіметі арасындағы Өзара қаржылық мәселелерді реттеу және әскери білім беру мен сынақ полигондарын пайдалану саласындағы есеп айырысу шарттары туралы келісімді ратификациялау туралы» Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

Қ а з а қ с т а н Р е с п у б л и к а с ы н ы ң

Премьер-Министрі

К. Мәсімов

Жоба

Қазақстан Республикасының Заңы

Қазақстан Республикасының Үкіметі мен Ресей Федерациясының Үкіметі арасындағы Өзара қаржылық мәселелерді реттеу және әскери білім беру мен сынақ полигондарын пайдалану саласындағы есеп айырысу шарттары туралы келісімді ратификациялау туралы

2005 жылғы 25 қарашада Мәскеуде жасалған Қазақстан Республикасының Үкіметі мен Ресей Федерациясының Үкіметі арасындағы Өзара қаржылық мәселелерді реттеу және әскери білім беру мен сынақ полигондарын пайдалану саласындағы есеп айырысу шарттары туралы келісім ратификациялансын.

Қ а з а қ с т а н Р е с п у б л и к а с ы н ы ң

Президенті

**Қазақстан Республикасының Үкіметі мен Ресей Федерациясының Үкіметі арасындағы Өзара қаржылық мәселелерді реттеу және әскери білім беру мен сынақ полигондарын пайдалану саласындағы есеп айырысу шарттары туралы
КЕЛІСІМ**

Бұдан әрі Тараптар деп аталатын Қазақстан Республикасының Үкіметі мен Ресей
Ф е д е р а ц и я с ы н ы ң Ү к і м е т і ,

Қазақстан Республикасы мен Ресей Федерациясы арасындағы 1994 жылғы 28
наурыздағы Әскери ынтымақтастық туралы шартты басшылыққа ала отырып,
қатысушылары бір мезгілде Тараптар болып табылатын әскери және
әскери-техникалық ынтымақтастық саласындағы халықаралық шарттарға сәйкес өзара
қаржылық міндеттемелерді реттеудің қажеттілігін тани отырып,
мына төмендегілер туралы келісті:

1-бап

Т а р а п т а р :

Ресей Тарапынан - осы шарттардың 4-бабына сәйкес жалға алынған мүлік пен жер
учаскелері бөлігін жалдаудан алынатын қорытындыны ескере отырып 1995 жылғы 20
қаңтардағы Қазақстан Республикасы мен Ресей Федерациясы арасындағы Сарышаған
сынақ полигонын пайдалану мен жалдау және Приозерск қаласының тіршілігін
қамтамасыз ету шарттары туралы келісімге, 1996 жылғы 18 қазандағы Қазақстан
Республикасының Үкіметі мен Ресей Федерациясы Үкіметінің арасындағы Ембі сынақ
полигонын жалдау туралы шартқа, 1996 жылғы 18 қазандағы Қазақстан Республикасы
Үкіметі мен Ресей Федерациясы Үкіметінің арасындағы Ресей Федерациясының 929
Мемлекеттік ұшу-сынақ орталығының Қазақстан Республикасының аумағына
орналасқан объектілері мен әскери алаңдарын жалдау туралы шартқа, 1996 жылғы 18
қазандағы Қазақстан Республикасының Үкіметі мен Ресей Федерациясы Үкіметінің
арасындағы Ресей Федерациясының 4 Мемлекеттік орталық полигонының Қазақстан
Республикасының аумағына орналасқан объектілері мен жауынгерлік алаңдарын
жалдау туралы шартқа сәйкес Приозерск қаласының инфрақұрылымын ұстаумен және
тыныс-тіршілігін қамтамасыз етумен байланысты Ресей Тарапының шығыстарын
ескере отырып 1996 жылғы 18 қазандағы Қазақстан Республикасының Үкіметі мен
Ресей Федерациясы Үкіметінің арасындағы Сарышаған сынақ полигонын жалдау
туралы шартқа сәйкес 1999 жылдан бастап 2004 жылды қоса алғанда Қазақстан
Республикасының аумағына орналасқан сынақ полигондарын пайдаланғаны үшін
жал да у а қ ы с ы б о й ы н ш а б е р е ш е к т і ;

Қазақстан Тарапынан - Ресей Федерациясы Қорғаныс министрлігі мен Қазақстан
Республикасы Қорғаныс министрлігі арасындағы келісімшарттар мен шарттардың
негізінде 1998 жылғы 6 наурыздағы Әскери кадрларды даярлау саласындағы
ынтымақтастықты дамыту туралы келісімге, оқыту үшін келісімшарттарда белгіленген
өтеу ставкаларына және 2005 жылғы 30 наурыздағы Қазақстан Республикасының
әскери қызметшілерін Ресей Федерациясы Қорғаныс министрлігінің жоғары оқу
орындарында оқыту және ұстау үшін өзара есеп айырысуларды салыстыру актісіне

сәйкес 1999 жылдан бастап 2004 жылды қоса алғанда Ресей Федерациясында қазақстандық әскери қызметшілерді оқыту жөніндегі берешекті қамтитын өзара қаржылық міндеттемелердің болуын таниды.

2-бап

Тараптар осы Келісімнің 1-бабында көрсетілген өзара қаржылық міндеттемелерді бір жолғы өтеуді 135,73 млн. АҚШ доллары сомасына жүргізеді.

Қазақстан Тарапы бұдан әрі 1999 жылдан бастап 2004 жылды қоса алғанда Сарышаған, Ембі сынақ полигондарын, Ресей Федерациясының 929 Мемлекеттік ұшу-сынақ орталығының және Қазақстан Республикасының аумағына орналасқан Ресей Федерациясының 4 Мемлекеттік орталық полигонының объектілері мен жауынгерлік алаңдарын пайдаланумен байланысты Ресей Тарапына кінәраттар қ о й м а й д ы .

Ресей Тарапы бұдан әрі Ресей Федерациясы Қорғаныс министрлігінің жоғары оқу орындарында Қазақстан Республикасының әскери қызметшілерін оқыту және ұстау үшін өзара есеп айырысуларды салыстырудың 2005 жылғы 30 наурыздағы кесіміне сәйкес 1999 жылдан бастап 2004 жылды қоса алғанда Ресей Федерациясында қазақстандық әскери қызметшілерді оқыту жөніндегі шығындармен байланысты Қазақстан Тарапына кінәраттар қоймайды.

3-бап

2005 жылдың 1 қаңтарынан бастап Ресей Тарапы Қазақстан Республикасының аумағына орналасқан сынақ полигондарын пайдаланғаны үшін жыл сайынғы жалдау ақысы АҚШ долларымен жүзеге асырылатын болады.

Ресей Федерациясы Қорғаныс министрлігінің әскери-оқу орындарында қазақстандық әскери қызметшілерді дайындау жөніндегі қызметтерге ақы төлеуді Қазақстан Тарапы 2005 жылғы 1 қаңтардан бастап АҚШ долларымен жүзеге асырады.

Тараптар осы Келісімнің 1-бабында көрсетілген сынақ полигондарын жалдау туралы шарттарға тиісті өзгерістер мен толықтырулар енгізеді.

4-бап

Осы Келісім оның күшіне енуіне қажетті мемлекетішілік рәсімдерді Тараптардың орындауы туралы соңғы жазбаша хабарлама дипломатиялық арналар арқылы алынған күнінен бастап күшіне енеді.

2005 жылы «25» қарашада Мәскеу қаласында әрқайсысы қазақ және орыс тілдерінде екі данада жасалды әрі екі мәтіннің де күші бірдей.

*ҚАЗАҚСТАН РЕСПУБЛИКАСЫНЫҢ
ҮКІМЕТІ ҮШІН*

РЕСЕЙ ФЕДЕРАЦИЯСЫНЫҢ

ҮКІМЕТІ ҮШІН

2005 жылғы 25 қарашада Мәскеу қаласында жасалған Қазақстан Республикасының Үкіметі мен Ресей Федерациясының Үкіметі арасындағы Өзара қаржылық мәселелерді реттеу және әскери білім беру мен сынақ полигондарын пайдалану саласындағы есеп айырысу шарттары туралы келісімнің куәландырылған көшірмесі екендігін растаймын.

*Қ а з а қ с т а н Р е с п у б л и к а с ы н ы ң
С ы р т қ ы і с т е р м и н и с т р л і г і
Х а л ы қ а р а л ы қ қ ұ қ ы қ д е п а р т а м е н т і н і ң
Б а с қ а р м а б а с т ы ғ ы Н . С ә к е н о в*

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК